

Na osnovu člana 29. tačka 2. Zakona o lokalnoj samoupravi-Prečišćeni tekst ("Službene novine Kantona Sarajevo", broj:22/00), člana 104. stav 1. Statuta općine Ilijaš-Prečišćeni tekst ("Službene novine Kantona Sarajevo", broj: 20/09) i člana 99. stav 1. Poslovnika Općinskog vijeća Ilijaš ("Službene novine Kantona Sarajevo", broj: 2/10), Općinsko vijeće Ilijaš na \_\_\_\_ . sjednici održanoj dana \_\_\_\_\_ 2017. godine, donosi

**O D L U K U**  
**O PRENOSU NOVOIZGRAĐENE KANALIZACIONE MREŽE**  
**NA UPRAVLJANJE**

**Član 1.**

Općina Ilijaš, kao Investitor, na Javno komunalno preduzeće "Vodostan"d.o.o.Ilijaš prenosi pravo upravljanja novoizgrađene kanalizacione mreže na području općine Ilijaš i to:

- fekalna kanalizaciona mreža u MZ Ljubnići  
(naselje Ljubnići u dužini 1.184m)
- fekalna kanalizaciona mreža u MZ Podlugovi  
(naselje uz Gnionicu u dužini 278m i naselje Doci u dužini 426m)
- fekalna kanalizaciona mreža u MZ Ilijaš Grad  
(naselje Kadarići u dužini 1.141m)
- fekalna kanalizaciona mreža u MZ Luka  
(naselje Donja Bioča u dužini 489m, naselje Donja Luka ispod autoceste u dužini 652, naselje Donja Luka iznad autoceste u dužini 402m)
- fekalna kanalizaciona mreža u MZ Stari Ilijaš  
(naselje Vlaškovo u dužini 945m i naselje Donja Karaula u dužini 508m)
- fekalna kanalizaciona mreža u MZ Malešići  
(naselje Donji Malešići u dužini 1.539m)
- fekalna kanalizaciona mreža u obuhvatu IZ "Luka" u dužini 958m
- oborinska kanalizaciona mreža u obuhvatu IZ "Luka" u dužini 940m

**Član 2.**

Ovlašćuje se Služba za prostorno uređenje i stambeno-komunalne poslove općine Ilijaš da, nakon stupanja na snagu ove Odluke, sa Javnim komunalnim preduzećem "Vodostan"d.o.o.Ilijaš izvrši primopredaju fekalne kanalizacione mreže i oborinske kanalizacione mreže iz člana 1. ove Odluke i sve investiciono-tehničke dokumentacije potrebne za upravljanje kojom raspolaže, kopije urbanističkih saglasnosti, odobrenja za građenje i upotrebne dozvole.

**Član 3.**

Sve eventualne obaveze nastale do primopredaje fekalne kanalizacione mreže, a koje dopijaju nakon toga, snosit će općina Ilijaš.

**Član 4.**

Sredstva za upravljanje fekalne kanalizacione mreže iz člana 1. ove Odluke obezbjeđuju se iz cijene pitke vode u uslovima gdje postoji kanalizacija, kao i iz naknade na ime priključka novih korisnika.

**Član 5.**

Ova Odluka stupa na snagu danom objavljivanja u Službenim novinama Kantona Sarajevo.

Broj: \_\_\_\_\_

Ilijaš: \_\_\_\_\_

Predsjedavajući  
Općinskog Vijeća Ilijaš  
Dević Mahir, prof, s.r.

## O b r a z l o ž e n j e

U periodu od 2009. do 2017. godine sredstvima Kantona Sarajevo i Općine Ilijaš izgrađena je kanalizaciona mreža u MZ Ljubnići(naselje Ljubnići), MZ Podlugovi(naselje uz Gnionicu i naselje Doci), MZ Ilijaš Grad(naselje Kadarići), MZ Luka(naselje Donja Bioča, naselje Donja Luka ispod autoceste, naselje Donja Luka iznad autoceste), MZ Stari Ilijaš (naselje Vlaškovo i naselje Donja Karaula), MZ Malešići(naselje Donji Malešići), fekalna kanalizaciona mreža u obuhvatu IZ "Luka" i oborinska kanalizaciona mreža u obuhvatu IZ "Luka".

Za izgradnju iste izrađena je investiciono-tehnička dokumentacija, pribavljene potrebne saglasnosti, odobrenja za građenje i odobrenja za upotrebu.

Općina Ilijaš je osnivač Javnog komunalnog preduzeća "Vodostan"d.o.o.Ilijaš čija je osnovna djelatnost obezbjeđenje Ilijaša i drugih naseljenih mjesta vodom za piće, odvođenje otpadnih i oborinskih voda i održavanje vodovodne i kanalizacione mreže.

Da bi JKP"Vodostan"d.o.o.Ilijaš moglo vršiti poslove upravljanja novoizgrađene fekalne i oborinske kanalizacione mreže, tu mrežu mora prenijeti na upravljanje.

Pravni osnov za donošenje ove Odluke je Zakon o lokalnoj samoupravi ("Službene novine kantona Sarajevo",broj:22/00 i to član 29. točka 2. kojim je definisana nadležnost Općinskog Vijeća za donošenje ove Odluke.

Članom 104. Statuta općine Ilijaš("Službene novine Kantona Sarajevo", broj: 20/09) i članom 99. Poslovnika Općinskog vijeća Ilijaš ("Službene novine Kantona Sarajevo", broj: 2/10), definisana je nadležnost Općinskog Vijeća za donošenje ove Odluke.

Predlaže se Općinskom vijeću da donese Odluku u dostavljenom tekstu.

Služba za prostorno uređenje  
i stambeno-komunalne poslove